

საქართველოს ახალგაზრდა იურისტთა ასოციაცია GEORGIAN YOUNG LAWYERS' ASSOCIATION



ახალგაზრდა იურისტები დეპორტირებული ქართველების ინტერესებს დაიცავენ

საქართველო-რუსეთს შორის ბოლო დროს გართულებულმა ურთიერთობებმა პირველ რიგში დააზარალა საქართველოს მოქალაქეები. უკანასკნელი ერთი კვირის განმავლობაში მასობრივად ხდება საქართველოს მოქალაქეების გამოძევება რუსეთის ფედერაციიდან. მოუხედავად იმისა, რომ ყველა სუვერენული სახელმწიფოს უფლებაა თავად აირჩიოს საკუთარი მიგრაციული პოლიტიკის განხორციელების ლეგიტიმური საშუალებები, საქართველოს მოქალაქეების კოლექტიური დეპორტაცია, საერთაშორისო

საქართველოს ახალგაზრდა იურისტთა ასოციაცია GEORGIAN YOUNG LAWYERS' ASSOCIATION



სამართლებრივი პრინციპებით უზრუნველყოფილი გარანტიებისა უხეში დარღვევით, და ამასთანავე, პატივისა და ღირსების დამამცირებელი ფორმით, დაუშვებელია და წარმოადგენს თავად რუსეთის კანონმდებლობითა და საყოველთაოდ აღიარებული ფუნდამენტური უფლებების უხეშ დარღვევას.

აქედან გამომდინარე, საქართველოს ახალგაზრდა იურისტთა ასოციაცია მიმართავს ყველა იმ დეპორტირებულ მოქალაქეს, რომელსაც გააჩნდა რუსეთის ფედერაციაში ყოფნის სამართლებრივი საფუძველი მოგვმართოს საიას თბილისის ოფისში.

საქართველოს ახალგაზრდა იურისტთა ასოციაცია გამოთქვამს მზადყოფნას საკუთარი და რუსეთის ფედერაციასა და დიდ ბრიტანეთში პარტნიორი უფლებადამცველი ორგანიზაციების დახმარებით განახორციელოს ამ პირთა სამართლებრივი წარმომადგენლობა დარღვეულ უფლებათა დასაცავად რუსეთის ფედერაციის სასამართლო სისტემაში და აუცილებლობის შემთხვევაში ადამიანის უფლებათა ევროპულ სასამართლოში (სტრასბურგი).

ამასთან, მოხარული ვიქნებით საქართველოს მოქალაქეთა ინტერესების დასაცავად საკუთარი გამოცდილებითა და რესურსებით ხელი შევუწყოთ საქართველოს სახელმწიფოს მხრიდან გამოხატული ნების განხორციელებას ამ საკითხის სამართლებრივი საშუალებებით გადანაცვებისთვის.